

Na osnovu člana 16. stava 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 3/23), a u vezi sa članom 65. Zakona o državnoj službi u Federaciji Bosne i Hercegovine (“Službene novine Federacije Bosne i Hercegovine“, broj: 29/03, 23/04, 39/04, 54/04, 67/05, 8/06, 77/06 – odluka US, 34/10 – odluka US, 45/10 – dr. zakon, 4/12, 99/15 i 9/17 – odluka US), koji je Zakonom o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona“, broj: 3/12), preuzet kao kantonalni zakon, na prijedlog Ministarstva za pravosuđe i upravu, Vlada Zeničko-dobojskog kantona, na 131. sjednici, održanoj 05.06.2026. godine, d o n o s i

## ZAKLJUČAK

### I.

Daje se saglasnost ministru Ministarstva za pravosuđe i upravu da u ime Zeničko-dobojskog kantona potpiše Sporazum o međusobnim odnosima izvršavanja poslova u budžetskoj 2026. godini između Vlade Zeničko-dobojskog kantona i Odbora državne službe za žalbe Federacije Bosne i Hercegovine.

### II.

Realizacija Sporazuma iz tačke I ovog zaključka izvršit će se na teret sredstava odobrenih u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 16 – Ministarstvo za pravosuđe i upravu, budžetska organizacija 0001, ekonomski kod 614100 – Tekući transferi drugim nivoima vlasti – Odbor državne službe za žalbe, u iznosu od 15.000,00 KM (slovima: petnaesthiljada konvertibilnih maraka).

### III.

Zadužuje se Ministarstvo za pravosuđe i upravu da prati realizaciju Sporazuma, te po isteku izvještajnog perioda utvrđenog Sporazumom informiše Vladu Zeničko-dobojskog kantona o njegovoj realizaciji.

### IV.

Ovaj zaključak stupa na snagu danom donošenja.

Broj: 02-\_\_\_\_\_/26  
Datum, 05.06.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za pravosuđe i upravu,  
1x Ministarstvo finansija,  
1x a/a.

## SPORAZUM

### o međusobnim odnosima izvršavanja poslova u budžetskoj 2026. godini

zaključen između:

1. **Vlade Zeničko-dobojskog kantona**, koju zastupa ministar Ministarstva za pravosuđe i upravu **Nebojša Nikolić**, po ovlaštenju Vlade Zeničko-dobojskog kantona (u daljem tekstu: **davalac sredstava**)
- i
2. **Odbora državne službe za žalbe Federacije Bosne i Hercegovine**, sa sjedištem u Sarajevu, ulica Hamdije Čemerlića broj 2, kojeg zastupa predsjedavajući Odbora **Pero Matijević** (u daljem tekstu: **korisnik sredstava**)

#### I.

Ovim Sporazumom utvrđuju se prava i obaveze davaoca i korisnika sredstava u budžetskoj 2026. godini u vezi realizacije poslova iz člana 65. Zakona o državnoj službi u Federaciji Bosne i Hercegovine („Službene novine Federacije Bosne i Hercegovine“, broj: 29/03, 23/04, 39/04, 54/04, 67/05, 8/06, 77/06 – odluka US, 34/10 – odluka US, 45/10 – dr. zakon, 4/12, 99/15 i 9/17 – odluka US), a u vezi sa Zakonom o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“, broj: 3/12).

#### II.

Korisnik sredstava obavezuje se da tokom 2026. godine u drugom stepenu odlučuje o svim žalbama državnih službenika i namještenika koje se izjave na rješenja rukovodilaca organa državne službe sa područja Zeničko-dobojskog kantona, o žalbama izjavljenim na odluke disciplinskih komisija i žalbama izjavljenim na odluke direktora Agencije za državnu službu Federacije Bosne i Hercegovine, u skladu sa zakonom, podzakonskim propisima i općim aktima.

#### III.

Korisnik sredstava obavezuje se da, u okviru svojih zakonskih nadležnosti i raspoloživih organizacionih, administrativnih i stručnih kapaciteta, osigura blagovremeno i efikasno postupanje po predmetima organa državne službe sa područja Zeničko-dobojskog kantona, imajući u vidu kontinuitet saradnje i sufinansiranja rada Odbora od strane Zeničko-dobojskog kantona u cilju jačanja institucionalnih kapaciteta i efikasnijeg rješavanja predmeta.

#### IV.

Davalac sredstava će za izvršavanje poslova iz ovog Sporazuma na račun korisnika sredstava doznačiti novčana sredstva u jednokratnom iznosu od 15.000,00 KM (slovima: petnaest hiljada konvertibilnih maraka), nadepozitni račun Budžeta Federacije Bosne i Hercegovine, otvoren kod Union banke d.d. Sarajevo, broj: 102-050-0000106698, budžetska organizacija 56020001 – Odbor državne službe za žalbe, vrsta prihoda 732114 – Primljeni tekući transferi od kantona, općina 079.

#### V.

Namjena sredstava je jačanje materijalnih i ljudskih kapaciteta korisnika sredstava radi blagovremenog i efikasnog obavljanja povjerenih poslova za organe državne službe sa područja Zeničko-dobojskog kantona, finansiranje troškova rada vanjskih stručnih

saradnika, sufinansiranje troškova sudskih sporova koji proizlaze iz postupaka vođenih po žalbama iz kantonalnih organa državne službe, unapređenje organizacionih i administrativnih kapaciteta rada Odbora.

**VI.**

Korisnik sredstava obavezuje se da davaocu sredstava dostavi izvještaj o utrošku sredstava za 2026. godinu najkasnije do 31.03.2027. godine, odnosno po usvajanju godišnjeg finansijskog izvještaja.

**VII.**

Ovaj Sporazum stupa na snagu danom potpisivanja.

**ZA KORISNIKA SREDSTAVA**

**PREDSJEDAVALJUĆI ODBORA  
DRŽAVNE SLUŽBE ZA ŽALBE**

*Pero Matijević*

**ZA DAVAOCA SREDSTAVA**

**MINISTAR**

*Nebojša Nikolić*

Broj: \_\_\_\_\_

Sarajevo, \_\_\_\_\_ 2026. godine

Broj: \_\_\_\_\_

Zenica, \_\_\_\_\_ 2026. godine